

Padu del Caribe ta forma un parti importante den historia di Aruba

ORANJESTAD – E co autor di himno di Aruba, Padu Lampe, miho conoci como “Padu del Caribe” recientemente a celebra su fecha natal. Padu cu ta un gran musico, pintor, escritor, tambe a hunga un rol den politica di Aruba.

Diferente artista local como ta, be cuidadonan a tuma plataforma social pa por expresa nan admiracion y respet pa Padu Lampe. Riba su pagina di Facebook, Jhon Freddy Montoya a publica un relato fotografico di un show cu su persona conhuntamente cu muchanan sabi a duna



Padu. Sr. Montoya a expresa “nos a logra trece pa Padu di regalo un rosa y e sonrisa di

hopi muchanan (e muchanan sabi) cu curasonnan contento cu a canta for di ora nan a topa den su caya, te ora nan a drenta brinda e tur amor cu un simpel flor y e sonrisa di hopi curason di mucha contento di por a brinda e regalo cu ta keda uno eterno.”

Bishita di prome minister

Riba e dia di su fecha natal, a ricibi un bishita di prome minister esta Mike Eman. Segun, sr. Eman Padu Lampe tabata un di e personanan den prome fila den e lucha di Aruba pa ta ‘baas den su

mesun cas’. “El a cana hunto cu e lidernan di e tempo ey, dunando inspiracion cu su talentonan artistico pa hinca den curason di cada Arubiano e stimacion pa Aruba, e sentido cu nos por ta ‘baas den nos mes cas’, e sentido cu Aruba por ta chikito pero grandi den su aspiracion- y



metanan. Sentimentonan profundo cu un personahe a pone den nos curason cu tur su cancionnan,” sr. Eman a bisa. Ya agrega cu comunidad di Aruba ta masha gradici di por tin e honor di tin e persona aki meymey di nan. Stanley Arends, organisado di varios evento pa celebra

aniversario di personahenan manera Padu y Lio Booi. Sr. Arends, kende ta haci su maximo esfuerso pa personanan cu a haci algo grandi pa nan pais nan fecha natal no wordo lubida. Asina por recorda e evento cu a wordo teni den Companashi pa Lio Booi (d.f.m), unda a duna reconocimiento na e personahe aki. Den cuadro pa brinda reconocimiento na personahenan importante di pais Aruba, Gabinete Mike Eman II a tuma e decision pa nombra e plasa pa noord di Oficina di Gobernacion na honor di e co-autor di himno di Aruba. Sr. Eman a splica cu na momento cu e plasa ta cla, e ta dorna cu estatua di Padu sinta na piano, compana pa Lio Booi y Rufo Wever, dunando reconocimiento na personahenan cu ta pilar y fundeshi cultural di nos pais. Padu Lampe tabata un politico activo, algo cu kisas hopi hende awendia no sa. Na celebracion di 30 aña di Status Aparte, aña 2016, ta planea pa dedica e Plaza pa noord di Oficina di Gobernacion na Padu. □

